

Proceso de distritación electoral en México

Jemi omáana kawí Mésiko pakotami ayéna si bawerá, mapu alí nakulíwiwa jáwami, a nayúri wiká nakúrisa ko owíami nijá kipu boto, bikianátami ju jáwami poder ejecutivo, poder legislativo alí poder judicial. Jáwami poder legislativo jena napawíka raíchaka elá ali buyána leyes, kiti nuráma jemi omáana kawichíaye: choná si nakuuri diputados alí senadores. Diputados ko a representári suwába pakotami omaana pereami alí uméra si raícha amí Congreso de la Unión, jena nakulíwiwa sinibí bikía bamíali neraa.

Jemi omáana kawí Mésiko sinéami kipu boto anári natikí, ayéna si jawába diputados, a be rojanába kawí mapu oná wiká rejówa pakotami, kiti anawí buyáma kipu boto, kiti ibíli diputado representárima chopi ikí pakotami. Jena anilíwa distritos electorales, jaréana okuaa rejówa alí anawítipo boto.

A nurá oseruami Constitución Políticas de los Estados Unidos Mexicanos mapu jemi omaana kawichíaye a rojonári pobalos ali jipiko nirú 300 distritos, mapu oná simíaka baweráma pakotami, kiti si jawába diputados federales, omáana estados ayéna jawábo diputados locales, enéka distritos electorales.

¿Qué es un distrito electoral?

Bilé distrito electoral ju mapu oná wiká peré pakotami, anári rojanába pobalos mapu nirú omáana estados, jiti anári ompama nijá kipu boto mapu alí nakulíwiwa diputados, kiti ibíli diputados nayúriami chopi ikí pakotami a representárima.

¿Qué es la distritación electoral?

Na nóchali a newá Instituto Nacional Electoral INE, kiti anári rojanába pobalos mapu ona wiká rejówa, kiti biléna bi nima mapu oná botárima pakotami, nakiwá kiti anawí nayúrima wé nakúrisa ko pakotami.

Ma newayá nóchali proyectos anári rojanáma comunidades indígenas, echi kítera INE a nárima jáwami omaana rejóami, kiti ayena neóma mapu náriwi, ali osaká nijíma kipu náтали, mapu chureká anawí ripíma sumá distritos electorales, kami wilimea waluala distrito, kiti sinéami ikíwima.

¿Para qué sirve?


A rojanába pakotami kiti ibíli distrito electoral anári nima botariami, jemi omáana chiriká nima ali kipu boto anári natéma.

¿Porque es necesaria la distritación electoral?

Ala nima rojanásiwa distritos, kiti chimí pereami, nakú eenami, ayéna sinibí awí kuuchi, wiká suwísimi oma, jarecho meká simía, ali joréana wiká rejówa, ali joreana ma ke wesi rejówa, sinibí bamíali chiriká ikí, joréana wiká ijínali botáiami, joreana pe okuaa, ala nima ayaapi enéwa omáana distritos, acha anári nijía kipu boto, mapu kisápi nakulíwiwa jáwami.

¿Cuáles son las reglas para la distritación?

Nakí jáwami kiti omáana distritos electorales, chopi iki nima botáiami sibiní, omaana municipios mapu oná wiká rejówa rarámuri, pe chiriká ripíma kiti sinéami biléana bi distrito umérima baweraa, machisaa alí raicháma, we rojaa alí mekabé tumu perélisa ko, echi kiti be napabúliwa municipios mapu oná wiká raramuri peré, kiti sinibí si nakúrima nakulíwa jáwami.



¿Cuándo y cómo se realiza?

Na bamíali 2016 ali 2017 INE a jawáma distritos mapu oná wiká rejówa pakótami jemi omáana kawí Mésiko, ali jawáma distritos locales omáana estados mapu reka: Baja California Sur, Campeche, Colima, Chiapas, Ciudad de México, Guanajuato, Guerrero, Jalisco, México, Michoacán, Morelos, Nuevo León, Querétaro, San Luis Potosí, Sonora, Tabasco, Yucatán, Chihuahua y Durango.

Omaana estados nirúma foros choná yua raíchába rarámuri ikúsiwami, kiti INE ikírima mapu reká nocha jemi omaana respresentantes partidos políticos yua, diputados locales, jáwami electorales, diputados federales, ali suwába kiti ikíwima natéami raíchali alí nóchali mapu newá INE.

¿Quiénes participa?

Na nochali a ruyelíwa suwába napabúa jáwami partidos políticos,jáwami estados muchúwami,municipios jáwami,diputados locales, electorales locales alí federales ali suwaba rarámuri omáana pobalos alí municipios pereami, mapu a machináli sebali raíchali.

¿Cuándo se realiza y como se realiza la consulta?

Newaká foros ciudadanos,owíka pakotami ali ikúsiwami omaana estados pereami ayena ruyelíwa chureká olaba ,kiti biléna bi simíaka baweráma pakotami,bachá ikíwima raíchali ali si nakurima kipu náтали nijía sumá peréami sébali raíchali napabúsa,checho ku ikíripa,chureká nisa re alí kami jása re distritos electorales ,kiti machiká ayéna nijípa kipu náтали,jit chiriká wee nocháma jáwami electoráli.

Choná jonsa ko ikúsiwami sumá peréami a nijíma osaká kipu náтали amí INE,echi oselí a siméríma ojisina Juntas Locales ali distritales mapu jáwi omaana kawichíaye,ma simírísa ko náriwami distribución electoral,ma suwénima na nóchali, INE ma ikísa alí elása,ma elába ale kámi che jawába distribución federal.

Kiti ala nima náriki suwaba pakotami sumá peréami , INE a yua nocháma nakúrika anawí INALI Instituto Nacional de Lenguas Indígenas,chiriká nakurima cho CDI Comisión Nacional para el Desarrollo de los Pueblos Indígenas.

¿Quiénes participan en la consulta?

Suwába rarámuri sumá komirachi pereami,jáwami ikúsiwami ali representantes ka jáwami.

¡Ikíwika si neósi!..sinéami nakúrísa ko Mésiko ... ¡che wiká nima..!